

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Uon dem alter spricht allus
der buch maister Josephus
Ez endurf niemant zweiuels wan
an der alten laut alter han
wan die in zehen geslacht schar
die vber leben all vil sar
Acht hundert iar zil
dez endaucht niemant ze vil
wan in liez got als langew veist
da von dz der hochsten chunst list
mit in wurd wol pracht
vnd auf den grunc erdacht
Astronomie vnd Geometrie
wan ir amer must mit vreise
die list sar durch suchen ob er wolt
vnd ob er si suchen solt
durch dz selb must ir amer vrust sechs
mit warheit absuder wan hundert iar ha
So sind allererst fur war
dew zaihen wol lauffen sar **chome**
vnd halent die himel zaihen vnd
vnd halent auch iren wien lauf senden
durch dz selb muste si die vrust
ze suchen halen zu der chunst list
ich sag ew auch an der sellen zeit
ward allew werlt werlt
getailt in drew tail
die zwai gewunnen groz hail
dz drit must in fluchen stan
als ich ew vor gesast han
Daz sem vnd Japhet
iesleicher grozew er het
von irem vater noe
als ich ew han gesast e
vnd wie der drit pruder Cham
den fluch von dem vater nam
als ir wol wert vernemmen
so wir an die mar chomen
ich sag ew auch dz ze maeren
wie frum Chames chind waren
die musten dienen ze recht
iren freiwnten samir ir chnecht
Ez halent auch die alten
den sit also lehalten
all die noch diener sint
weip man vnd auch chint
die an gut nicht werdent reich
hie auf disem ertreich

Daz wellent die sellen weisen man
Daz die sellen gehoren chame an
die dann von sem sint chomen
dz selb han ich auch vernomen
die wellent dz die laut
die da sam die praut
weitent vnd auch gent
vnd den ir haus mit froden stent
vnd selten icht laidez wirt
vnd si dez niemant wirt
die sint von sem chomen gar
vnd von Japhet zwar
Daz geschach von dem segen gut
dz si noe het in hut
Niemant bei den zeiten was so reich
Daz was ich wol sicherleich
Daz er nicht chnecht mocht han
der im was dienstez vnder tan
wan ez was in den zeiten recht
ez war ritter oder chnecht
Dham diener was im vnder tan
fur war ich ew dz sagen chan
er het niemant wan sem chint
die von im geporen sint
Daz was do in der werlt recht
dz dz chint was dez vater chnecht
nu seit vns auch di geschrift fur war
dz von Cham chomen die ersten chnecht
Japhet was auch der erst man **zwar**
der ritters namen ie gewan
sem vater segent im dz swert
er was aller eren wert
So han ich auch vernomen
dz allw ritterschafft von im sei chome
Nu halent die herren vber al
einen streit gewunnen an zal
Daz selb ist ir aller sit
vnd wist in ze allen zeiten mit
Daz sag ich ew becaut
si halent aisen laut
vnd iehent stat ez sei ir recht
si halent ritter vnd chnecht
Doch weit ich seren die mar
von weip ez chomen war
der von weip ez in war beschaffen
laien vnd phaffen
Der mir dz chint suchen
an den alten buchen